

„Prijedlog“

BOSNA I HERCEGOVINA

VIJEĆE MINISTARA BOSNE I HERCEGOVINE

**KOMISIJA ZA REGISTRACIJU OZNAKA PORIJEKLA, OZNAKA
GEOGRAFSKOG PORIJEKLA I DODJELU OZNAKA GARANTIRANO
TRADICIONALNOG SPECIJALITETA PREHRAMBENIH PROIZVODA U BOSNI I
HERCEGOVINI**

I Z V J E Š T A J

**o radu Komisije za registraciju oznaka porijekla, oznaka geografskog porijekla i
dodjelu oznaka garantirano tradicionalnog specijaliteta prehrambenih proizvoda u
Bosni i Hercegovini za 2025. godinu**

Mostar, februar 2026. godine

IZVJEŠTAJ

o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2025. godinu

Na osnovu odredbi *Pravilnika o sistemima kvaliteta za prehrambene proizvode* („Službeni glasnik BiH“, broj 90/18), na prijedlog Agencije za sigurnost hrane Bosne i Hercegovine (u daljnjem tekstu: Agencija), u saradnji s nadležnim organima entiteta i Brčko distrikta Bosne i Hercegovine, Vijeće ministara Bosne i Hercegovine donijelo je *Odluku o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* („Službeni glasnik BiH“, broj 37/24).

U skladu s članom 6. *Odluke o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* („Službeni glasnik BiH“, broj 37/24) Komisija za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini (u daljnjem tekstu: Komisija) podnosi godišnji izvještaj o radu i stanju u oblasti iz svoje nadležnosti direktoru Agencije koji ga dostavlja Vijeću ministara Bosne i Hercegovine na usvajanje.

Komisiju čine predstavnici sljedećih institucija:

- *Agencija za sigurnost hrane Bosne i Hercegovine,*
- *Ministarstvo vanjske trgovine i ekonomskih odnosa Bosne i Hercegovine,*
- *Federalno ministarstvo poljoprivrede, vodoprivrede i šumarstva,*
- *Ministarstvo poljoprivrede, šumarstva i vodoprivrede Republike Srpske,*
- *Vlada Brčko Distrikta Bosne i Hercegovine,*
- *Federalno ministarstvo trgovine i*
- *Ministarstvo trgovine i turizma Republike Srpske.*

Predstavnik Agencije je ujedno i predsjednik Komisije.

Postupak za registraciju oznake porijekla, oznake geografskog porijekla i oznake garantirano tradicionalnog specijaliteta pokreće se zahtjevom koji se podnosi Agenciji, a isti provodi Komisija. Komisija obavlja poslove u skladu s poslovima i zadacima određenim *Pravilnikom o sistemima kvaliteta za prehrambene proizvode*, kao što su:

- *razmatra zahtjeve za registraciju oznake porijekla, oznake geografskog porijekla i oznake garantirano tradicionalnog specijaliteta prehrambenog proizvoda i predlaže Agenciji donošenje rješenja o registraciji oznake;*
- *razmatra pristigle prigovore;*
- *predlaže dopunu zahtjeva za registraciju oznake porijekla, oznake geografskog porijekla i oznake garantirano tradicionalnog specijaliteta prehrambenog proizvoda;*
- *razmatra zahtjeve za naknadnu izmjenу i dopunu specifikacije prehrambenog proizvoda;*
- *razmatra zahtjeve za pravo upotrebe registrirane oznake porijekla, oznake geografskog porijekla i garantirano tradicionalnog specijaliteta prehrambenog proizvoda.*

U toku 2025. godine Komisija je održala dvije sjednice, dok su se o ostalim pitanjima članovi izjašnjavali elektronskim putem, a na način kako je to definirano *Poslovnikom o radu Komisije za registraciju oznaka porijekla, oznaka geografskog porijekla i dodjelu oznaka garantirano*

tradicionalnog specijaliteta prehrambenih proizvoda u Bosni i Hercegovini (broj: 04-3-02-3-462-3/24 od 15.05.2024. godine).

U izvještajnom periodu Komisija je razmatrala sljedeće zahtjeve:

1. *Zahtjev za registraciju naziva oznakom geografskog porijekla za prehrambeni proizvod „Cazinski polutvrđi sir“*,
2. *Zahtjev za registraciju naziva oznakom geografskog porijekla za prehrambeni proizvod „Krajiški sudžuk“*,
3. *Zahtjev za registraciju naziva oznakom porijekla za prehrambeni proizvod „Romanijski med“ i*
4. *Zahtjev za registraciju naziva oznakom porijekla za prehrambeni proizvod „Kukuruz klečak - Popovopoljac“.*

Nakon što je Komisija izvršila stručnu provjeru zaprimljenih zahtjeva, Agencija je za prehrambene proizvode:

- „Cazinski polutvrđi sir“ i
- „Krajiški sudžuk“.

donijela rješenja o odbijanju zahtjeva za registraciju naziva zaštićenom oznakom geografskog porijekla za navedene proizvode budući da zahtjevi nisu osnovani, uz navođenje razloga za njihovo odbijanje.

Nakon što je Komisija izvršila stručnu provjeru *Zahtjeva za registraciju naziva oznakom porijekla za prehrambeni proizvod „Kukuruz klečak - Popovopoljac“* Agencija je isti na prijedlog Komisije prihvatila, te je Obavještenje o zahtjevu za navedeni prehrambeni proizvod objavljeno u Službenom glasniku BiH, broj 78/25 od 26.12.2025. godine, dok je Obavještenje o zahtjevu za prehrambeni proizvod „Romanijski med“ objavljeno u Službenom glasniku BiH, broj 6/26 od 27.1.2026. godine.

U skladu s odredbama Pravilnika o sistemima kvaliteta za prehrambene proizvode („Službeni glasnik BiH“, broj 90/18), od dana objavljivanja obavještenja o zahtjevu u „Službenom glasniku BiH“, počinje rok, u trajanju od dva mjeseca za objavu obrazloženog prigovora na objavljeni zahtjev. S obzirom da, rok za dostavljanje primjedbi na navedene zahtjeve nije istekao, postupak registracije će biti nastavljen u 2026. godini.

Za prehrambene proizvode koji su u postupku registracije proizvođačke specifikacije objavljene su na službenoj web stranici Agencije.

U skladu s navedenim, u izvještajnom periodu, Agencija je donijela:

- Rješenje kojim se odbija Zahtjev za registraciju naziva prehrambenog proizvoda **„CAZINSKI POLUTVRDI SIR“ ZAŠTIĆENOM OZNAKOM GEOGRAFSKOG PORIJEKLA**, podnesen od strane Obrtničke komore Unsko - sanskog kantona Udruženje proizvođača „Stari novi okus“ i
- Rješenje kojim se odbija Zahtjev za registraciju naziva prehrambenog proizvoda **„KRAJIŠKI SUDŽUK“ ZAŠTIĆENOM OZNAKOM GEOGRAFSKOG PORIJEKLA**, podnesen od strane Obrtničke komore Unsko - sanskog kantona Udruženje proizvođača „Stari novi okus“.

Agencija vodi registar prehrambenih proizvoda zaštićenih oznakom porijekla, odnosno registar prehrambenih proizvoda zaštićenih oznakom geografskog porijekla, kao i registar garantirano tradicionalnih specijaliteta.

Na osnovu odredbi *Odluke o imenovanju Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini* („Službeni glasnik BiH“, broj 37/24), po okončanom postupku zaštite porijekla, ili zaštite geografskog porijekla, ili zaštite oznaka garantirano tradicionalnog specijaliteta prehrambenih proizvoda, članovi i sekretar Komisije, pod uslovom da su učestvovali u provođenju postupka imaju pravo na novčanu naknadu. U skladu s navedenim, isplaćene su naknade u iznosu od 910,00 KM, te pripadajući porezi i doprinosi u iznosu od 372,65 KM.

Za troškove prijevoza isplaćeno je 0,00 KM. Prihodi od naknada za postupak registracije oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini uplaćenih na konto prihoda Agencije - 722593 u 2025. godini ukupno iznose 1.220,00 KM.

U ovom Izvještaju Komisija je dala presjek realiziranih aktivnosti u oblasti registracije prehrambenih proizvoda oznakama porijekla, geografskog porijekla i garantirano tradicionalnog specijaliteta u Bosni i Hercegovini, u toku 2025. godine.

Ovaj Izvještaj sačinili su članovi Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini i isti dostavili Agenciji s prijedlogom da se Izvještaj dostavi Vijeću ministara Bosne i Hercegovine na razmatranje i usvajanje.

Polazeći od naprijed navedenog, predlaže se Vijeću ministara Bosne i Hercegovine, da nakon razmatranja Izvještaja o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2025. godinu donese sljedeći:

Z A K L J U Č A K

- 1. Usvaja se Izvještaj o radu Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini za 2025. godinu.*